

太上玄門晚課

啓經

大道洞玄虛 有念無不契

鍊質入仙真 遂成金剛體

超度三界難 地獄五苦解

悉歸太上經 靜念稽首禮

太上皈命禮無量感應大天尊（三稱）

申意

種種無名是苦根 苦根除盡善根存

但憑慧劍威神力 跳出沉淪五苦門

道以無心度有情 一切方便是修真

若歸聖智圓通地 便是昇天得道人

提綱

一炷真香烈火焚 金童玉女上遙聞
此香逕達青華會 奏啓尋聲救苦真

太上皈命禮太乙救苦大天尊（三稱）

開經偈

寂寂至無宗 虛峙劫仞阿
豁落洞玄文 誰測此幽遐
一入大乘路 孰計乖劫多
不生亦不滅 欲生因蓮花
超凌三界塗 慈心解世羅
真心無上德 世世爲仙家

太上皈命禮玄都萬壽大天尊（三稱）

太上洞玄靈寶救苦拔罪妙經

爾時。

救苦天尊。遍滿十方界。常以威神力。救拔
諸衆生。得離於迷途。衆生不知覺。盲
見日月。我本太無中。拔離無邊際。慶
雲開

生門。祥煙塞死戶。初發玄元始。以通祥
感機。救一切罪。度一切厄。渺渺超仙
源

。蕩蕩自然清。皆成大道力。以伏諸魔精
。空中何灼灼。名曰泥丸仙。紫雲覆黃老
。是名三寶君。還將上天炁。以制九天魂
。救苦諸妙神。善見救苦時。天上混無分
。天炁歸一身。皆成自然神。自然有別體
。本在空洞中。空洞跡非跡。遍體皆虛空

。第一委炁立。第二順炁生。第三成萬法。
。第四生光明。天上三十六。地下三十六。
。太玄無邊際。妙哉大洞經。

皈命太上尊。能消一切罪。

東方玉寶皇上天尊

南方玄真萬福天尊

西方太妙至極天尊

北方玄上玉晨天尊

東北方度仙上聖天尊

東南方好生度命天尊

西南方太靈虛皇天尊

西北方無量太華天尊

上方玉虛明皇天尊

下方真皇洞神天尊

道言十方諸天尊。其數如沙塵。化形十方界。普濟度天人。委炁聚功德。同聲救罪魂。罪魂實可哀。我今說妙經。念誦無休息。歸身不暫停。天堂享大福。地獄無苦聲。火翳成清署。劍樹化騫林。上登朱陵府。下入開光門。超度三界難。逕上元始天。於是飛天神王。無鞅數衆。瞻仰尊顏

。亦作頌曰。

天尊說經教。接引於浮生。勤修學無爲。悟真道自成。不迷亦不荒。無我亦無名。朗詠罪福句。萬遍心垢清。爾時。

飛天神王。及諸天仙衆。說是頌畢。稽首

天尊。奉辭而退。

太上洞玄靈寶救苦拔罪妙經竟

元始天尊說生天得道真經

爾時

元始天尊。在大羅天上。玉京山中。為諸天

仙衆說此生天得道真經。告諸仙曰。吾今為汝。略啓身心。明宣道要。十方得道神仙。皆從此經修行。而通微奧。善男子。善女人。依憑齋戒。作是津梁。一切有為。顯持真路。體此法相。乃可受持。能屏衆緣。永除染著。外相不入。內相不出。於正念中。乃得五臟清涼。六腑調泰。三

百六十骨節之間。有諸滯礙。十惡之業。
百八十煩惱之業。衆苦罪源。悉皆除蕩。
即引太和真炁。注潤身田。五臟六腑。心
目內觀。真无所所有。清淨光明。虛白朗耀
。杳杳冥冥。內外無事。昏昏默默。正達
無爲。古今常存。總持靜念。從茲解悟。
道力資扶。法藥相助。仍節飲食。驅遣鬼
使。安寂六根。靜照八識。空其五蘊。證
妙三元。得道成真。自然昇度。爾時諸天
仙衆。上白

天尊言。自從無始以來。至於今日。未聞如
是大乘經典。我等緣茲幸會。廣及一切。
道果圓明。而說偈曰

杳杳冥冥清靜道。昏昏默默太虛蹤。
體性湛然無所住。色心都寂一真宗。

元始天尊說生天得道真經竟

太上道君說解冤拔罪妙經

爾時

太上道君。與諸聖衆在八騫林下。七寶臺中。
。羅列威儀。敷陳道要。怡神默坐於玉京
山。放七寶光明。照福堂地獄。見福堂
之內。男女善人。快樂無爲。逍遙自在。
。復見諸地獄之中。餓鬼窮魂。以日繼夜。
受種種苦惱。悉無人形。五體壞爛。飢
。飡猛火。渴飲鎔銅。足履刀山。身負鐵
杖。遍體流血。悲號澈天。是時會中。

有一真人

。名曰廣信。從座而起。稽首前進。上白
道君曰。不審此輩窮魂。生有何咎。而受茲
苦。

道君曰。受諸罪者。在世之時。不敬三光。
欺負神理。十惡五逆。不忠不仁。不慈
不孝。毀傷物命。殺害衆生。福盡壽終。
當

受斯苦。是時

廣信真人曰。心生哀憫。欲其濟拔。幸望妙
力威光。許令開度伏蒙

道君垂賜金言。廣設法要。為諸衆生。演說
是經。名曰解冤拔罪。流佈於世。利益存

亡。若有善男子。善女人。一心專志。入
靜持齋。焚香行道。六時轉念是經。吾當
隨願保佑其人。使宿世冤讐。乘福超度。
幽魂苦爽。各獲超昇。真人廣信。歡喜再
拜。覩纓勝因。而作頌曰。
偉哉大道君。常普無量功。舟楫生死海。
濟度超羅艷。罪對不復遇。福報與冥通。
用人安可測。讚之焉能窮。是時
廣信真人。與諸聖衆聞法將畢。各各稽首皈
依。信受奉行。

太上道君說解冤拔罪妙經竟

發願文

至心發願願我等 歷劫廣脩三業善
常持妙法救含靈 不被塵網所包纏

生生超度三塗難 願得寸心如慧日
能除昏暗照虛空 於諸法中無我人
常起慈悲一乘行 願口常餐甘露味
宣敷淨戒度人天 無談惡語綺言詞
不噉生生含血命 願足不履三惡道
願手不殺一衆生 願身如影輔天尊
坐起周行無捨遠 願與一切諸類等
俱辭餓鬼畜生身 願與三界天人同
一切勤求無上道 發願已竟

皈命三寶

志心稽首 太上無極大道

志心稽首 三十六部尊經

志心稽首 玄中大法師

（如非山林洞觀 而處城市壇堂或家庭靜
室持誦晚課至此 施食咒儀可酌情減免）

玉陽施食諸咒儀（大衆站立兩班朗誦諸咒）

提綱

天尊設方便 拔度諸幽魂

鐵圍一時破 究竟令清淨

破地獄咒

茫茫艷都中 重重金剛山 靈寶無量光

洞照炎池煩 九幽諸罪魂 身隨香雲旛

定慧青蓮花 上生神永安

淨艷都離寒庭咒

功德金色光 微微開幽暗 華池流真香

蓮蓋隨雲浮 千靈重元和 常居十二樓

急宣靈寶旨 自在天堂遊

解冤咒

衆生多結冤 冤深難解結 一日結成冤

三世報不歇 我今傳妙法 解除諸冤業

聞誦志心聽 冤家自散滅

沐浴度魂咒

巍巍道德尊 功德已圓齊 降身來接引

師寶自提攜 慈悲洒法水 用以洗沉迷

永度三清岸 長辭五濁泥

（侍者出班行禮出食）

一粒嘉穀。一滴清泉。不忍自食。

施與幽魂。享吾供者。皆賴道恩。

惟道惟靈。覺性常存。

（存想法食塞滿六合十類孤爽皆得充滿）

慈尊駕獅座於虛玄之中 引導孤魂乘雲鶴

而上昇 引禮道前又存

三清在上 太乙居中 左列葛公 右列薩公

十方真人 左右排列 十方童子 中面排列

引孤魂俱至道前階下朝禮

無量度人元始天尊

無量度人靈寶天尊

無量度人道德天尊

太乙尋聲救苦天尊

太極內煉葛公真君

西河救苦薩公真君

十方救苦真人 十方救苦童子

三皈依九戒（存思衆魂跪階下皈依受戒）

汝諸魂衆

皈依道 永脫輪迴

皈依經 得聞正法

皈依師 不落邪見

自皈依後。稱道為師。更不皈依。邪魔外道。信禮常住三寶。再當受持九戒。

第一戒者眼不妄視。第二戒者耳不妄聽。

第三戒者鼻不妄嗅。第四戒者口不妄言。第五戒者手不妄操。第六戒者足不妄踐。第七戒者身不妄殺。第八戒者意不妄貪。第九戒者心忍如地。從今以後。稱道為師。更不再犯前非。持此九真妙戒。各發靜念。早得昇天。

五廚經

一炁和太和。得一道皆泰。和乃無一和。玄理同玄際。不以意思意。亦不求無思。意而無有意。是法如是持。莫將心緣心。還莫住絕緣。心在莫存心。真則守真淵。修理志離志。積修不符離。志而不脩志。已業無已知。諸食炁結炁。非諸久定結。

炁歸諸本炁。隨取當隨洩。

甘露咒（酒甘露水）

悲夫長夜苦 煩惱三塗中 猛火入咽喉
長生饑渴念 一洒甘露雨 如熱得清涼
二洒甘露雨 神魂生大羅 三洒甘露雨
潤及於一切

甘露法食咒

冷冷甘露滋 法味難思議 騫香流七真
冥冥何所疑 受此法食者 生天登紫微
福田高巍巍 供食令清淨 一切有為事
普皆成代命 拔汝三塗苦 施汝九玄慶
臨當受食時 諸天皆讚詠 寒庭多悲苦
回首禮元皇 女青靈寶符 中山真帝書

一念昇太清 再念歸虛無 功德九幽下
旋旋生紫微

三光化食咒

浩精生法炁 氤氳凝天中 兩曜共澄澈
五緯相交通 三光煥已明 寶炁凝三宮
帝鄉會九老 咽服百骸豐 金華照光景
身與日月同 念道上聖前 萬劫壽無窮

回度出生咒

勤修大道法 精心感太冥 黃華真炁降
五臟結胎嬰 幽魂生天堂 飛昇朝上清
福惠無不遍 此食施衆生

普濟法食咒

自然天廚食 吾今與加持 一粒變十方

河沙鬼神共 饑渴永消滅 食之宴瑤池
今將施幽魂 功德不思議 願以此功德
普及於一切 我等與衆生 同歸無上道

太乙寶誥 志心皈命禮

青華長樂界。東極妙嚴宮。七寶芳騫林。九
色蓮花座。萬真環拱內。百億瑞光中。玉
清靈寶尊。應化玄元始。浩劫垂慈濟。大
千甘露門。妙道真身。紫金瑞相。隨機赴
感。誓願無邊。大聖大慈。大悲大願。十
方化號。普度衆生。億億劫中。度人無量
尋聲赴感太乙救苦天尊 青玄九陽上帝

稽首皈依東極宮 太乙尋聲救苦尊

左手碧盃盛甘露 右手楊枝洒靈津

大聖大慈濟世界 大悲大願度亡靈

我今稽首皈命禮 志心稱念太乙尊

太乙救苦天尊

垂慈普濟天尊

三茅應化天尊（各三稱三拜）

懺悔文

經功法力不思議 迴向十方諸聖衆

願見真心求懺悔 河沙罪障悉消除

懺悔衆等。自從曩劫。乃至今生。假火風

地水以成形。戀香味色聲而觸法。貪嗔

癡毒。惡口妄言。殺盜邪淫。恣情縱慾。

逆辱父母。背負君師。不敬天地神祇。

訶風罵雨。不信罪福因果。昧理欺心。

遂至報對升沉。輪迴展轉。受諸苦惱。

無有休期

。蓋由一念之差。障迷自性。妄認六塵之
幻。沉溺愛河。今茲已獲人身。叨親正
教

。豈非千生慶幸。一旦遭逢。自合省心。
早求度世。若復似前流蕩。畢竟迷失本
來

。恐墮冥途。化為異類。是故思沉淪苦。
發清淨心。皈叩

聖真。哀求懺悔。慨憐愚昧。原赦罪愆。解
釋報冤。蠲消魔障。所覬命逢昌運。名
注丹臺。際遇真師。親聞至道。精修妙
行。

增長善芽。進節玄門。凝神真境。他日運
應滅度。自性不致昏迷。逕生十善之家。

能通宿命。還證上乘之道。臣侍虛皇。上

願國安民豐時和歲稔

願宗風丕闡道化興行

願兇惡化賢邪魔歸正

願兵刑罔措囹圄空閑

願沉滯昇遷冤仇和釋

願參玄學者悟道成真

願現在父母增延福壽

願過去尊親早得超昇

願歷世師友同證真常

願歷劫宗親均皆超度

願所傷物命早生人天

願絕食葷酒不相殺害

願持身端正不履邪淫

願悉破慳貪滅除嶮峻

願言無誑妄行貴純真

願弱己饒人潛忍忿怒

願慈心下氣恭敬一切

願不墮邊夷不隨邪見。

塵劫有盡。我願無窮。端望

聖真。曲垂濟度。三皈依內。不落邪見。

詠讚

青華教主 太乙慈尊 玉清應化現金身

大開甘露門 接引群生 永出愛河津

太上皈命禮太乙救苦大天尊（三稱）

天皇寶誥 志心皈命禮

紫微宸極。勾陳天宮。九光寶苑之中。五炁
玄都之上。禮元皇而佐司玄化。總兩極
而共理三才。主持兵革之權衡。廣推大
德。統御星辰之躔次。毋失常經。上象
巍峨。真元恢漠。大悲大願。大聖大慈。

勾陳上宮天皇大帝

星主寶誥 志心皈命禮

大羅天闕。紫微星宮。尊居北極之高。位正
中天之上。聖號金輪熾盛。道稱玉斗玄
尊

。璇璣玉衡齊七政。總天經地緯。日月星
宿約四時。行黃道紫垣。萬象宗師。諸
天統御。大悲大願。大聖大慈。

萬星教主無極元皇中天紫微北極大帝

土皇寶誥 志心皈命禮

九華玉闕。七寶皇房。承天稟命之期。樞陰
機陽之柄。道推尊而含弘廣大。德敷蓄
於柔順利貞。效法昊天。根本育坤元之
美。

流行品物。生成施母道之仁。嶽瀆是依。
山川咸仗。大悲大願。大聖大慈。

承天效法后土皇靈地祇

斗姥寶誥 志心皈命禮

西天竺國。大智光中。真空妙相法王師。無
上玄元天姥主。金光爍處。日月潛輝。
寶杵旋時。鬼神失色。顯靈蹤於塵世。

漸聖駕於閻浮。衆生有難若稱名。大士
尋聲來救苦。大悲大聖。大聖大慈。

聖德巨光天后摩利支天大聖圓明道姥天尊

東嶽寶誥 志心皈命禮

赫奕玄英之祖。金輪少海之宗。彌仙母夢日

先生。紫府聖人東華弟。昔建功於長白。

始受封於羲皇。初號秦華真人。漢明泰山

元帥。唐會崇恩聖帝。聖朝敕賜大生。位

鎮坤維。功參乾造。凡居品位。悉皆隸焉

。仁以德仁。回陽春於掌上。聖而益聖。

麗日月於天中。五嶽稱讚於東方。三界獨

尊於中界。仰奉行於大道。府糾察於陰司

。掌人間善惡之權。專天下死生之柄。懲

姦惡而獄分三十六主。司吉凶而案判七十二曹。行善者注生天堂。沉迷者尋聲救苦。示大慈慈悲之相。開衆生生化之門。福與天齊。功高無量。大悲大願。大聖大慈。中界至尊東嶽聖帝慈光救苦威權自在天尊。

呂祖寶誥 志心皈命禮

玉清內相。金闕選仙。化身爲三教之師。掌法判五雷之令。黃梁夢覺。忘世上之功名。寶劍光騰。掃人間之妖怪。四生六道。有感必孚。三界十方。無求不應。黃鵠磯頭留聖跡。玉清殿內煉丹砂。存芝像於山巖。顯仙蹤於玄洞。闡法門之香火。爲玄嗣之梯航。大聖大慈。大仁大孝。開山啓教。玄應祖師。天雷上相。靈寶真人。

純陽演正警化孚佑帝君興行妙道天尊

王祖寶誥 志心皈命禮

先天至聖。不朽金仙。廣垂法力。度濟愚賢。
。積功偉大。道法萬千。泛濫郡州。萬儒
受點。宣揚道教。不辭舌尖。頑石點頭。
豚蛇煅煉。七真銜賜。功蓋凌煙。位列金
仙。玉清靈顯。常存慈愛。照遍大千。至
靈真宰。至上法嚴。垂世不朽。道範長存
全真開化重陽帝君

邱祖寶誥 志心皈命禮

玄元一炁。寂寂真宗。憫衆生之業累。闡道
化之源濛。歷百千之苦行。為萬世之仙翁
。位列七真之首。派演道德宗風。大悲大

願。大聖大慈。龍門啓教

全真宗主長春祖師

靈官誥 志心皈命禮

先天主將。一炁神君。都天糾察大靈官。三界無私猛烈將。金睛朱髮。號三五火車雷公。鳳嘴銀牙。統百萬貔貅神將。飛騰雲霧。號令雷霆。降雨開晴。驅邪治病。觀過錯於一十二年。受命 玉帝。積功勳於百千萬種。誓佐祖師。至剛至勇。濟死濟生。方方闡教。處處開壇

太乙雷聲應化天尊

土地咒

此間土地 神之最靈 昇天達地 出幽入冥

為吾關奏 不得留停 有功之日 名書上清
向來晚堂誦經功德。

上奉慈尊 下濟幽冥 脫化仙鄉 同賴善果

證無上道 一切信禮 志心稱念

十方救苦天尊 不可思議功德

願消三障諸煩惱 願得智慧證明瞭

普願災障悉消除 世世常行無上道

四恩三宥均利益 十洲三島任逍遙

迴向四府眾龍神 禮謝道經師三寶

課誦圓滿福無邊 風調雨順民安樂

自皈依道 當願眾生 超脫一切 住最上乘

自皈依經 當願眾生 深明經藏 神通莫測

自皈依師 當願眾生 太上授首 成大仙道

稽首

聖衆

收經讚

誦經功德 不可思議 諸天諸地轉靈機

國運壽夭齊 大道慈悲 萬化樂雍熙

太上皈命禮無量感應大天尊（三稱）

玄門晚課

竟